

Na osnovu tačke 2.1. Kodeksa korporativnog upravljanja JP Elektroprivreda Bosne i Hercegovine d.d. – Sarajevo u nastavku se daje Izjava o usklađenosti postupanja sa Kodeksom korporativnog upravljanja u 2023. godini. Izjava o usklađenosti postupanja sa Kodeksom korporativnog upravljanja u 2023. godini je dio Izvještaja o poslovanju JP Elektroprivreda BiH d.d. – Sarajevo za 2023. godinu (str. 19/78-21/78) koji je usvojen na Osamdeset i četvrtoj (redovnoj) Skupštini JP Elektroprivreda BiH d.d. – Sarajevo, održanoj dana 26.08.2024. godine.

IZJAVA O USKLAĐENOSTI POSTUPANJA SA KODEKSOM KORPORATIVNOG UPRAVLJANJA U 2023. GODINI

Društvo je u 2023. godini pratilo i primijenilo preporuke utvrđene Kodeksom korporativnog upravljanja JP Elektroprivreda BiH d.d. - Sarajevo, broj SD-7863/12-25/3 od 20.04.2012. godine. U Kodeksu korporativnog upravljanja JP Elektroprivreda BiH d.d. - Sarajevo uvažene su specifičnosti koje proizilaze iz činjenice da je Društvo javno preduzeće, na koje se primjenjuje i Zakon o javnim preduzećima u Federaciji BiH.

U 2023. godini su blagovremeno izvršavane sve obaveze koje se odnose na objavu informacija predviđenih Kodeksom korporativnog upravljanja JP Elektroprivreda BiH d.d. – Sarajevo i Pravilnikom o objavljivanju informacija i izvještavanju na tržištu vrijednosnih papira (Službene novine Federacije BiH, broj 99/22).

JP Elektroprivreda BiH d.d. - Sarajevo je dioničko društvo. Prema listi dioničara, koju je Društvo pribavilo od Registra vrijednosnih papira za potrebe održavanja Sedamdeset i devete (vanredne) Skupštine JP Elektroprivreda BiH d.d. - Sarajevo, Društvo je na dan 24.10.2023. godine imalo ukupno 2.608 dioničara (31.506.541 dionica). Na taj dan prvih deset dioničara su:

Tabela 3.1

Redni broj	Dioničar	Broj dionica	Udio (%)
1.	Federacija Bosne i Hercegovine	28.472.181	90,3691
2.	Raiffeisen BANK d.d. Bosna i Hercegovina	388.823	1.2341
3.	ZIF CROBIH FOND d.d. Mostar	272.468	0,8648
4.	ZIF HERBOS FOND d.d. Mostar	210.011	0,6666
5.	ZIF „PROF-PLUS“ d.d. Sarajevo	206.577	0,6557
6.	ZIF „prevent INVEST „ d.d. Sarajevo	204.113	0,6478
7.	ZIF „BONUS“ d.d. Sarajevo	180.904	0,5742
8.	OAIF „VIB FOND“ a.d. Banja Luka	111.950	0,3553
9.	ASA FINANCE d.d. Sarajevo	88.624	0,2813
10.	ZIF „FORTUNA FOND“ d.d.	74.929	0,2378

Društvo je u 2023. godini sazvalo ukupno četiri (4) sjednice Skupštine Društva, i to: Sedamdeset i peta (redovna) Skupština koja je održana 30.06.2023. godine, Sedamdeset i šesta (vanredna) Skupština koja je održana 22.08.2023. godine, Sedamdeset i sedma (vanredna) Skupština koja je održana 17.10.2023. godine, te Sedamdeset i osma (vanredna) Skupština koja je održana 23.11.2023. godine. Obavještenja o sazivanju, su objavljena u dnevnim novinama i *web* stranici Društva. Materijali za Skupštinu Društva su objavljeni na *web* stranici Društva, kao i donesene odluke na održanim Skupštinama.

Nadzorni odbor JP Elektroprivreda BiH d.d. – Sarajevo je do 22.08.2023. godine djelovao u sastavu:

- Dr. sci. Izet Žigić, predsjednik
- Dr. sci. Admir Softić, član
- Dr. sci. Safet Isić, član
- Dr. sci. Milenko Obad, član
- Muhidin Zametica, član
- Selvedin Subašić, član
- Ivan Gržić, član.

Od 23.08.2023. godine, Nadzorni odbor djeluje u sastavu:

- Ženja Ljubuškić, v.d. član (predsjednik)
- Vedran Kaser, v.d. član
- dr. sci. Milenko Obad, v.d. član
- Edin Hamzić, v.d. član
- mr. sci. Damir Okanović, v.d. član
- Idham Kruško v.d. član
- Ivan Gržić, član

Niti jedan član Nadzornog odbora nije dioničar JP Elektroprivreda Bosne i Hercegovine d.d. - Sarajevo i nema u vlasništvu dionice/udjele u društvima koja se mogu smatrati konkurentskim društvima JP Elektroprivreda Bosne i Hercegovine d.d. – Sarajevo.

Nadzorni odbor nadzire poslovanje Društva i radi na osnovu Zakona o privrednim društvima, Zakona o javnim preduzećima, Statuta Društva i Poslovnika o radu Nadzornog odbora. U toku 2023. godine održano je 26 sjednica Nadzornog odbora i to: 15 redovnih i 9 vanrednih sjednica, 1 tematska i 1 konstituirajuća sjednica. Bliži opis aktivnosti Nadzornog odbora u 2023. godini je sadržan u Izvještaju o radu Nadzornog odbora za 2023. godinu.

Odbor za reviziju se sastoji od 3 člana. Odbor za reviziju djeluje u sastavu:

- mr. sci. Almira Zulić, dipl. ecc
- Mustafa Šakić, dipl. ecc
- Ismeta Jakupović-Divković, dipl. ecc.

Članovi Odbora za reviziju nemaju u vlasništvu dionice/udjele u društvima koja se mogu smatrati konkurentskim društvima JP Elektroprivreda Bosne i Hercegovine d.d. – Sarajevo. Odbor za reviziju obavlja poslove u skladu sa Zakonom o privrednim društvima, Zakonom o javnim preduzećima, Statutom Društva, Poslovníkom o radu Odbora za reviziju i drugim aktima Društva. Bliži opis aktivnosti Odbora za reviziju u 2023. godini je u Izvještaju o radu Odbora za reviziju za 2023. godinu.

Uprava Društva do 23.08.2023. godine je djelovala u sastavu:

- Admir Anđelića - Generalni direktor
- mr. sci. Samir Selimović, Izvršni direktor za proizvodnju
- mr. sci. Elvir Lojić, Izvršni direktor za distribuciju
- Zlatan Planinčić, Izvršni direktor za snabdijevanje i trgovinu
- Muhamed Kozadra, Izvršni direktor za ekonomske poslove

- Ružica Burić, Izvršna direktorica za pravne poslove i ljudske resurse
- dr.sci. Senad Salkić, Izvršni direktor za kapitalne investicije.

Od članova Uprave Društva, dr.sci. Senad Salkić, Izvršni direktor za kapitalne investicije je dioničar Društva sa 29 dionica, što čini 0,0001% od ukupnog broja dionica. Članovi Uprave Društva nemaju u vlasništvu dionice/udjele u društvima koja se mogu smatrati konkurentskim društvima Javnom preduzeću Elektroprivreda Bosne i Hercegovine d.d. - Sarajevo.

Počev od 24.08.2023. godine Uprava Društva djeluje u sastavu:

- | | |
|-----------------------------|---|
| - dr.sci. Sanel Buljubašić, | v.d. Generalnog direktora |
| - Fahrudin Tanović, | v.d. Izvršnog direktora za proizvodnju |
| - Edisej Sjerotanović, | v.d. Izvršnog direktora za distribuciju |
| - dr.sci. Nevad Ikanović, | v.d. Izvršnog direktora za snabdijevanje i trgovinu |
| - Sanela Jurišić, | v.d. Izvršnog direktora za ekonomske poslove |
| - Amra Ohranović, | v.d. Izvršnog direktora za pravne poslove i ljudske resurse |
| - Harun Gadžo, | v.d. Izvršnog direktora za kapitalne investicije |

Niti jedan član Uprave Društva nije dioničar JP Elektroprivreda Bosne i Hercegovine d.d. - Sarajevo i nema u vlasništvu dionice/udjele u društvima koja se mogu smatrati konkurentskim društvima JP Elektroprivreda Bosne i Hercegovine d.d. – Sarajevo.

Kretanje cijene i promet dionicama Društva

Početakom 2023. godine cijena dionice Društva (oznaka JPESR) na Sarajevskoj berzi (SASE) bila je oko 16 KM, dok je na kraju 2023. godini cijena iznosila oko 13,00 KM što predstavlja pad u odnosu na početak godine od 19 %. Posmatrajući po obimu prometa dionica na SASE za 2023. godinu JP Elektroprivreda BiH d.d. – Sarajevo je na 4. mjestu (1.924.883,58 KM), dok je 2. po broju zaključenih transakcija u toku godine (433 transakcije).